

詠小雪十月中〔二〕

莫恠虹無影，如今小雪時。陰陽依上下，寒暑喜分離。滿月光天漢，長風響樹枝。橫琴對淥醕〔二〕，醕（猶）自歛愁眉〔三〕。

〔二〕原卷「小」誤作「少」。甲卷題「冬詠十月中」。

〔三〕醕：甲卷作「醕」。

〔三〕醕：甲卷作「獨」。

詠大雪十一月節

積陰成大雪，看處亂菲菲。玉管鳴寒夜，披書遶絳幃〔二〕。黃鐘隨氣改，鷓鴣不鳴時。何限蒼生類，依依惜暮暉。

〔二〕遶：原卷作「曉」，甲卷於「曉」上添改作「繞」，復於旁補「遶」字，據改。幃：原卷作「幃」，據甲卷改。

詠冬至十一月中

二氣俱生處，周家正立年。歲星瞻北極〔二〕，舜日照南天。拜慶朝金殿，歡娛列綺筵〔二〕。萬邦歌有道，誰敢動征邊？